



Nikitwara sente zirikwingana ki kutunga endanga-muntu?

Kaadi y'endanga-muntu n'eya busha omurundi gw'okubanza obu erikukuhwebwa baitu waaginaga, ekakuburaho nainga okagishiisha, okugigaruzaho n'okwa Shiringi 50,000/=.

Nkeehandiikisa kwonka tinkatungaga ndanga-muntu yangye.

- Okuheereza endanga-muntu nikugumizamu aha ofiisi za NIRA aha disitirikiti zoono omu ihanga hamwe n'aha mashaza ataano (5) ga KCCA aga Kampala.
- Nyiga *216# kukyebera ebi;
 - i. Ebi orikwetenga kwehandiikisa kutunga endanga-muntu
 - ii. Ahu okushaba kwawe/kwehandiikisa kwawe kwahika
 - iii. Kugaruzaho endanga-muntu (ku yaakuba ekubuzireho, oginagire nainga esiisikaire)
 - iv. Kugorora enshobi eziri aha ndanga-muntu yaawe
 - v. Okukyebera enamba yaawe ey'endanga-muntu

Ninkahi ahu ndikubaasa kwehandiikisiza naaba nintuura aheeru ya Uganda?

[Efforts are under way to establish registration at selected missions and embassies.](#)

Nimbaasa kushaba omuntu ondiijo kuunyihirayo endanga-muntu yangye?

Okuheereza omuntu endanga-muntu y'ondiijo muntu nikubaasa kuteekateekwaho nainga kukorwa ahu mukama waayo atarikubaasa kugyeyakiirira ahabw'embeera ezi; oburwaire nainga emyaka, obumuga/oburema, hamwe n'ahabw'abantu abari omu mahanga g'aheru.

- i. Ijuzi Foomu namba 8 erikwikiriza omuntu kukwihirayo endanga-muntu, oteho n'ebihandiiko enshagiki
- ii. Rusiiti erikworeka ku waayehandiikiise kutunga endanga-muntu (Foomu namba 5)
- iii. Obuhame oburikworeka ku otarikubaasa kweyakiirira endanga-muntu
- iv. Endanga-muntu y'omuntu ou waatuma kukwakiirira endanga-muntu yaawe

Ni ryari obu omuntu arikubaasa kugaruzaho endanga-muntu ye?

Omuntu onagire/obuzirweho endanga-muntu ye weena ashemeire kuza aha pooriisi kuranga okubura kw'endanga-muntu ye, reero akashashura Shiringi 50,000/= omu banka ei arikwenda kushashuriramu.

Nooyetenga kwijuzi foomu ei orikubaasa kwiha aha kibanja kya intaneeti ekya www.nira.go.ug. Hoono nabwo noobaasa kutunga foomu egi aha bwa busha kuruga aha ofiisi zaitu zoono eziri omu ihanga ryona, reero mpaho otandike orugyendo rw'okugaruzaho endanga-muntu yaawe.

Omuntu yaaba naayenda kuhindura ebiri aha ndanga-muntu ye: ebi birimu eiziina, omwanya, okuhindura emihangirwe ye n'ebindi.

Niinyetenga ki kubaasa kuhindura ebiri aha ndanga-muntu yangye?

Eki nikibaasika waja n'ekihandiiko eki nainga bimwe ahari ebi;

1. Endagaano y'okuhindura ebirikukwataho n'ebi abantu baabaire nibakumanyiraho
2. Ekihandiiko ky'okurangirira omu butongore okw'omu mateeka nk'okurahira omu kooti
3. Ebaruha z'obushwera
4. Ebaruha/satifiketi z'okuheza okushoma/kuruga omu ishomero
5. Satifiketi z'okutaana omu bushwera
6. Rusiiti z'oshashureireho
7. Ebaruha/satifiketi y'enzaarwa hamwe n'ekindi kihandiiko ekyakubaasa kwetengwa

EKITEBE KYA NIRA EKIKURU

National Independence Grounds, Kololo Airstrip, Akashanduukye ka Posita 26529, Kampala-Uganda Esimu. (ey'aha mwanya gw'okwakiiriraho abagyenyi): +256 312119600

Waaba oine eki orikwenda kubuuzi, tuhikiirire aha siimu egi: 0800211700 (ey'omu mwanya gw'okwakiiriramu amasimu/call centre)

Waaba nooyenda kubuuzi aha nkoregana ya NIRA n'abantu b'obutoosha hamwe n'eby'amakuru, Teera esimu: +256 312119605

Nira_Ug NIRA nira.go.ug



ENYOREKYERERO ERIKWOROBYA OKWETEGYEREZA EMIHANDA Y'OKURABAMU KWEHANDIIKISA

AHABW'OKUTUNGA ENDANGA-MUNTU



Ekitongore kya *National and Registration Authority* (NIRA) kikateebwaho ekiragiro ky'okuhandiika abantu ekyabagirwe eishengyero ekirikumanywa nka *Registration of Persons Act 2015*.

Ekitongore kiine obushoboerozi kukora emirimo egi, omu ndiijo mingi;

Okuhandiika Abanyayuganda hamwe n'okubaheereza enamba ezi bamanyirwaho hamwe n'endanga-muntu



Okuhandiika enzaaro (okuzaarwa) zoonu/kwona, enfu (okufa) zoonu/kwona hamwe n'ebiragiro ebiheereza abantu obushoboerozi

kureeberera n'okukuza abaana abu batazire, hamwe n'okubaheereza satifiketi ezirikwetengwa

Okutaho, okureeberera, okurinda, n'okugumyaho orukarara rw'abantu b'omu ihanga boona nari regyesita



Ebirikukwata aha bantu ebiri omu rukarara/regyesita biriho kukoreshwa ebitongore bya Gavumenti, ebitongore by'abantu-buntu, hamwe n'abantu.

Akapapura aka nikoorekyerera ebi oine kwetegyereza kwenda ngu kikworobere kurahuka kumanya ebiine kukurirwa omu kwehandiikisa kutunga endanga-muntu, nari satifiketi z'okuzaarwa/okufa/ n'ez'okutunga obushoboerozi bw'okukuza/kureeberera omwana ou otazaire/ ou otari ishe/nyina.

N'oha ashemeire kwehandiikisa?

- Abanyayuganda boona.
- Abanyamahanga boona abarikutuura omu Uganda nk'oku ebiragiro birikugamba nibaija kuhandiikwa.



Okwehandiikisa/okuhandiikwa oku nikukorerwa nkahi?

- Okuhandiika hamwe n'okuheereza abantu endanga-muntu nikugumizamu aha bitebe bya disitirikiti za Uganda zoonu hamwe n'aha ofiisi z'amashaza ataano (5) aga Kampala.

A. EBI ABANTU ENZAARWA ZA UGANDA BARIKWETENGA BAABA NIBAZA KWEHANDIIKISA KUTUNGA ENDANGA-MUNTU

1. Ebaruha ya Ceyamaani wa LC I erikworeka amaziina g'abazaire, oruganda, hamwe n'ekika ky'omuntu orikwehandiikisa kutunga endanga-muntu. Ebaruha egi eshemeire kuteebwaho sitampu ya DISO.
2. Kope eyokyeibwemu ey'endanga-muntu z'abazaire baaba bakiriho; baaba baafiire, ebaruha erikukushemba eshemeire kukyoreka kurungi.
3. Ebindi bihandiiko enshagiki nk'ebaruha/satifiketi y'obuzaarwa

B. EBI ABANTU ABAMANYWA NK'ABANYAYUGANDA KURABIRA OMU KWEHANDIIKISA BARIKWETENGA BAABA NIBAZA KWEHANDIIKISA KUTUNGA ENDANGA-MUNTU

1. Byona ebirikwetengwa omu kicweka "A" ebyayorekwa aharuguru.
2. Kope ya satifiketi y'obutuuzi obuheebwa omuntu yaaheza kuhikiiriza ebiine kuhikiirizibwa abanyamahanga kutunga obutuuzi nainga ey'obutuuzi bw'okw'ehandiikisa nk'oku kirikwetengyesa.
3. Ebindi bihandiiko enshagiki nka kope y'ebaruha/satifiketi y'obuzaarwa, paasipooti, satifiketi y'obushwere, ebihandiiko by'obwegyese, ebaruha eikiriza omuntu kuvuga motoka, kaadi y'okubatzibwa/eya batiisimu, kaadi y'omuteezi w'akaruuru, n'ebindi.
4. Kope z'endanga-muntu z'abazaire (waaba oziine).

C. EBI ABO ABAINA OBUTUUZU OMU MAHANGA ABIRI, RIMWE RIRI ERYA UGANDA, BARIKWETENGA BAABA NIBAZA KWEHANDIIKISA KUTUNGA ENDANGA-MUNTU

1. Kope ya satifiketi eyoreka ku omuntu aine obutuuzi omu mahanga abiri eheerezibwa ekitongore ky'eby'obutuuzi n'eby'okucwekanisa ensharo ekya *Directorate of Citizenship and Immigration Control* (DCIC)
2. Paasipooti ey'ogwo orikushaba endanga-muntu
3. Kope z'endanga-muntu z'abazaire (waaba oziine).